

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-190/22
Sarajevo, 27.1.2022. godine

Z A P I S N I K
16. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 27.1.2022. godine

Sjednica je počela sa radom u 12:19 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate i goste u dvorani.

Izostanak sa sjednice su opravdali: Mladen Lonić, Dragana Damjanović, Nikica Bosnić, Senad Ahmetović, Marija Rašić, Edim Fejzić, Mirela Trepanić-Grbešić, Sandra Imširović, Vibor Handžić, Sejad Tatarin, Daliborka Milović i Drago Puzigaća.

Prema evidenciji Stručne službe sjednici prisustvuje 33 delegata, što čini većinu, pa Dom naroda može raditi i punovažno odlučivati.

Prije prelaska na rad, predsjedavajući je predložio usvajanje Zapisnika sa 15. i 7. vanredne sjednice Doma naroda Parlamenta Federacije BiH.

Na osnovu rezultata glasanja, predsjedavajući je konstatovao da je Dom naroda, bez primjedbi, sa 31 glasom za, bez primjedbi, usvojio Zapisnik sa 15. sjednice Doma naroda Parlamenta Federacije BiH, održane 9. i 15.12.2021. godine.

Na osnovu rezultata glasanja, predsjedavajući je konstatovao da je Dom naroda, sa 32 glasa za, bez primjedbi, usvojio Zapisnik sa 7. vanredne sjednice Doma naroda, održane 29.12.2021. godine.

Prije utvrđivanja dnevnog reda, u skladu sa članom 104. Poslovnika od radu Doma naroda delegati mogu postavljati delegatska pitanja i pokretati delegatske inicijative.

Ljubinka Atanasijević je postavila pitanje direktoru Porezne uprave FBiH, gospodinu Šerifu Isoviću, u vezi plaćanja zakupnine od strane poreznih uprava na prostoru Federacije BiH lokalnoj zajednici, odnosno općinama čije prostorije koriste.

Aner Žuljević je postavio pitanje upravi EP-a u vezi informacije o prodaji bilanskih viškova struje, kojima je ista dogovorena u 2019., 2020. i 2021. godini, te zamolio da mu se u toj informaciji dostave podaci kojim kompanijama su prodani bilansni viškovi i

po kojim cijenama te koliki je ukupni iznos prihoda koji je EP BiH ostvarila u predmetnim godinama.

Boris Krešić je postavio dva pitanja.

Prvo pitanje je postavio Ministarstvu obrazovanja i nauke FBiH, u vezi odbijanja korištenja naziva Federacija a u vezi osnivanja Unije studenata studentskog odbora FBiH.

Drugo pitanje je postavio Ministarstvu pravde Federacije BiH, u vezi implementacije šest zakona, po presudi Ustavnog suda Federacije BiH i Zaključka Doma naroda Parlamenta Federacije BiH, kako bi građani imali konačno forme za zaključivanje određenih ugovora.

Segmedina Srna-Bajramović je postavila tri pitanja.

Prvo pitanje je postavila upravi kompanije BH Gas i resornom ministarstvu u vezi trenutne situacije oko snabdijevanja gasom, te zatražila dostavu opravdanosti prema kojoj je donesena odluka o zamjeni plinovoda, informaciju u vezi izrade Zakona o plinu i električnoj energiji, te ko je odgovoran za posljednja dešavanja kada su u pitanju nedostatak plina za potrošače u Kantonu Sarajevo.

Drugo pitanje je postavila Agenciji za vodno područje rijeke Save u vezi izdavanja prethodne vodne saglasnosti od 7.5.2020. godine, za projekat na adresi Kurta Šoka bb, Dobrinja Sarajevo.

Treće pitanje je postavila Federalnom ministarstvu poljoprivrede, vodoprivrede i šumarstva, u vezi zahtjeva za poništenje vodnih akata izdatih od strane Ministarstva privrede KS, Ministarstva prostornog uređenja, građenja i zaštite okoliša KS, Kantonalnog javnog preduzeća Vodovod i kanalizacija Sarajevo, Agencije za vodno područje rijeke Save i Općine Novi Grad Sarajevo.

Damir Marjanović je postavio pitanje premijeru i nadležnom ministru u vezi fiksnog ugovora na koji je pristao Energoinvest za isporuku 1,2 miliona kubika, u situacijama kada su izuzetno niske temperature.

Damir Jurišić je postavio pitanje Federalnom ministarstvu rada i socijalne politike, te Federalnoj upravi za inspeksijske poslove, a tiče se obavljanja prakse srednjoškolaca, učenika strukovnih zanimanja na području Federacije BiH kod poslovnih subjekata.

Elvedin Mušanović je postavio jedno pitanje i uputio dvije Inicijative.

Prvu Inicijativu je uputio Ministarstvu zdravstva i Vladi Federacije BiH da što prije isprave nepravdu učinjenu prema bolnici za plućne bolesti i tuberkulozu Travnik, koja nije prepoznata u transferima prema zdravstvenim ustanovama u 2020. i 2021. godini.

Drugu Inicijativu je uputio prema Vladi Federacije BiH i Federalnom ministarstvu finansija da se u budžetu za 2022., odnosno 2023. godinu, obezbijede sredstva za trajno rješavanje smještaja Kantonalnog poreznog ureda Novi Travnik.

Pitanje je postavio Federalnom ministarstvu finansija i Vladi Federacije BiH u vezi spiska predmeta koji se nalaze na Odboru za žalbe Federalnog ministarstva finansija, a u vezi žalbi na rješenja izdata od strane inspektora Porezne uprave Federacije BiH.

Alisa Hajdarović je uputila Inicijativu za dopunu Odluke o listi lijekova Fonda solidarnosti FBiH i Odluke o vertikalnom programu najsloženijih oblika zdravstvene zaštite u FBiH, sa ciljem proširivanja indikacije biološke terapije na pacijente sa autoimunim bolestima, a naročito sa reumatoidnim artritisom i spondilitisom.

Zvonko Marić je postavio pitanje Federalnom ministarstvu energije, rudarstva i industrije i napomenuo da je pitanje već postavljao na nekoj od prethodnih sjednica, međutim odgovor još nije dobio, a tiče se trenutne situacije u Kantonu Sarajevo oko snabdijevanja gasom.

Vesna Saradžić je postavila pitanje Vladi Federacije BiH u vezi Zakona o suzbijanju korupcije i organizovanog kriminala, koji je usvojen ali se ne primjenjuje.

Zdenka Džambas je postavila pitanje Vladi Federacije BiH u vezi trenutne situacije u svijetu, odnosno mogućeg rata u Ukrajini i Rusiji.

Hadis Jusić je uputio Inicijativu Vladi Federacije i Federalnom ministarstvu zdravstva u vezi izmjene Zakona o zdravstvenoj zaštiti FBiH, odnosno uvođenja mogućnosti da na direktorskoj poziciji budu i osobe sa diplomom ekonomskog ili nekog drugog fakulteta, a ne samo medicinskog, farmaceutskog ili stomatološkog.

Jasmin Duvnjak je postavio tri pitanja.

Prvo pitanje je postavio Federalnom ministarstvu prometa i komunikacija, u vezi Zakona o osnovama sigurnosti saobraćaja na nivou BiH, te pratećih pravilnika o saobraćajnim znakovima i signalizacijama na cestama.

Drugo pitanje je postavio Federalnom ministarstvu okoliša i turizma, u vezi plaćanja boravišne takse u Federaciji BiH - kojim aktom je propisana ta obaveza u Federaciji i koliko ona iznosi u kantonima?

Treće pitanje je postavio Federalnoj upravi za inspekcijske poslove u vezi aktivnosti kancelarije Inspektora za zaštitu okoliša sa sjedištem u Zenici.

Ivo Tadić je postavio pitanje predsjedniku Kluba delegata bošnjačkog naroda, gospodinu Jasminu Duvnjaku u vezi aktuelnih tvrdnji u medijima da članovi Kluba delegata hrvatskog naroda u Domu naroda, ne prisustvuju sjednicama Doma.

Aner Žuljević je ukazao na odnos SDP-a prema trenutnom sazivu Komisije za vrijednosne papire.

Senad Alić je skrenuo pažnju Jasminu Duvnjaku da tvrdnje koje iznosi kao predsjednik Kluba delegata iz reda bošnjačkog naroda nisu stav Kluba.

Elmedin Konaković je postavio pitanje premijeru Fadilu Novaliću, resornom ministru, gospodinu Nerminu Džindiću i preduzeću Energoinvest d.d. Sarajevo, u vezi trenutne situacije oko manjka gasa.

Damir Džeba je postavio pitanje Jasminu Duvnjaku u vezi tvrdnji da je Dom naroda poligon za opstrukcije u Federaciji BiH.

Potom se prešlo na utvrđivanje dnevnog reda.

Vlada Federacije BiH dostavila je Prijedlog Budžeta Federacije BiH za 2022. godinu s prijedlogom da se razmatra po hitnom postupku.

Predstavnički dom nije prihvatio da se Prijedlog Budžeta Federacije BiH za 2022. godinu razmatra po hitnom postupku nego je isti vratio u redovnu proceduru odnosno u formu Nacrta, a prijedlog Kolegija Doma naroda je da se ovaj Prijedlog razmatra u formi Nacrta Budžeta Federacije BiH za 2022. godinu.

Ovaj prijedlog Kolegija je potom stavljen na glasanje.

Na osnovu rezultata glasanja, predsjedavajući je konstatovao da je ovaj prijedlog prihvaćen sa 33 glasa za, bez glasova protiv i bez suzdržanih.

Vlada Federacije BiH dostavila je Prijedlog Zakona o izvršavanju Budžeta Federacije BiH za 2022. godinu s prijedlogom da se razmatra po hitnom postupku, a Predstavnički dom nije prihvatio da se isti razmatra po hitnom postupku, nego ga je vratio u redovnu proceduru, odnosno u formu Nacrta.

Prijedlog Kolegija je da se ovaj zakon razmatra u formi Nacrta.

Na osnovu rezultata glasanja, predsjedavajući je konstatovao da je ovaj prijedlog prihvaćen sa 31 glasom za, bez glasova protiv i bez suzdržanih.

Vlada Federacije BiH dostavila je Prijedlog zakona o izmjenama i dopunama Zakona o budžetima u Federaciji BiH s prijedlogom da se razmatra po hitnom postupku.

Predstavnički dom nije prihvatio da se ovaj Prijedlog zakona razmatra po hitnom postupku, te je isti vratio u redovnu proceduru, odnosno u formu Nacrta.

Na osnovu rezultata glasanja, predsjedavajući je konstatovao da je ovaj prijedlog Kolegija dobio potrebnu većinu, sa 32 glasa za, bez glasova protiv i bez suzdržanih.

Vlada Federacije BiH je povukla iz procedure Prijedlog zakona o materijalnoj podršci porodicama s djecom u Federaciji Bosne i Hercegovine i Program rada Vlade Federacije BiH za 2022. godinu.

Predsjedavajući je saopštio delegatima da nije potrebno da se o tome posebno izjašnjavaju.

Prijedlog Kolegija Doma naroda je jedna tehnička ispravka, odnosno da se u dnevni red 16. sjednice Doma naroda, kao 10. tačka uvrsti Kvartalni izvještaj o dugu Q1/2020, s obzirom da ga je Predstavnički dom razmatrao.

Na osnovu rezultata glasanja, predsjedavajući je konstatovao da je ovaj prijedlog dobio potrebnu većinu sa 31 glasom za, bez glasova protiv i bez suzdržanih glasova.

Prijedlog Zakonodavnoopravne komisije Doma naroda je da se kao 17. tačka dnevnog reda uvrsti Zaključak o ovlastima Zakonodavnoopravne komisije Doma naroda u postupcima pred Ustavnim sudom Federacije i Ustavnim sudom Bosne i Hercegovine.

Na osnovu rezultata glasanja, predsjedavajući je konstatovao da je ovaj prijedlog prihvaćen sa 32 glasa za, bez glasova protiv i bez suzdržanih glasova.

Predsjedavajući je nakon toga, za sjednicu predložio sljedeći:

D N E V N I R E D

1. Informacija o epidemiološkoj situaciji COVID-19 u Federaciji Bosne i Hercegovine na dan 27.12.2021. s prijedlogom naredbi i preporuka Kriznog štaba Federalnog ministarstva zdravstva,
2. Nacrt budžeta Federacije Bosne i Hercegovine za 2022. godinu,
3. Nacrt zakona o izvršavanju Budžeta Federacije Bosne i Hercegovine za 2022. godinu,
4. Nacrt zakona o izmjenama i dopunama Zakona o budžetima u Federaciji Bosne i Hercegovine,
5. Prijedlog odluke o davanju saglasnosti na:
Izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2021. godinu (druge izmjene) i izmjene i dopune Finansijskog plana Federalnog fonda solidarnosti za 2021. godinu (Aneks I.) (druge izmjene) i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2021. godinu (druge izmjene i dopune),
6. Prijedlog odluke o davanju saglasnosti na:
Finansijski plan Zavoda zdravstvenog osiguranja i reosiguranja Federacije Bosne i Hercegovine za 2022. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu,
7. Prijedlog odluke o davanju saglasnosti na:
Finansijski plan Federalnog zavoda za zapošljavanje za 2022. godinu i procjenu plana za 2023. i 2024. godinu i Odluku o izvršavanju Finansijskog plana Federalnog zavoda za zapošljavanje za 2022. godinu,

8. Odluka o izdvajanju sredstava u Fond solidarnosti Federacije Bosne i Hercegovine za 2022. godinu,
 9. Prijedlog odluke o prihvatanju zaduženja po Ugovoru o finansiranju između Bosne i Hercegovine i Europske investicijske banke (EIB) za realizaciju Projekta izgradnje dionica Autoceste Medakovo – Poprikuše na Koridoru Vc,
 10. Kvartalni izvještaj o dugu Q1/2020,
 11. Kvartalni izvještaj o dugu Q2/2020,
 12. Kvartalni izvještaj o dugu Q3/2020,
 13. Kvartalni izvještaj o dugu Q4/2020,
 14. Kvartalni izvještaj o dugu Q1/2021,
 15. Kvartalni izvještaj o dugu Q2/2021,
 16. Kvartalni izvještaj o dugu Q3/2021,
 17. Zaključak o ovlastima Zakonodavnoppravne komisije Doma naroda u postupcima pred Ustavnim sudom Bosne i Hercegovine i Ustavnim sudom Federacije Bosne i Hercegovine.
- 1. Informacija o epidemiološkoj situaciji COVID-19 u Federaciji Bosne i Hercegovine na dan 27.12.2021. godine s prijedlogom naredbi i preporuka Kriznog štaba Federalnog ministarstva zdravstva,**

Predstavnički dom Parlamenta Federacije BiH obavijestio je Dom naroda da je na 29. sjednici, održanoj 24.1.2022. godine razmatrao i primio k znanju Informaciju o epidemiološkoj situaciji na dan 27.12.2021. godine.

Informaciju su razmatrala nadležna radna tijela.

Informaciju je obrazložio Goran Čerkez, predstavnik Federalnog ministarstva zdravstva.

U raspravi su učestvovali Aner Žuljević, Ilija Nakić, Zvonko Marić, Damir Marjanović, Damir Džeba i Goran Čerkez.

Predsjedavanje domom u međuvremenu je preuzeo Aljoša Čampara, potpredsjedavajući Doma naroda.

S obzirom da se radi o materijalu koji je dostavljen Parlamentu Federacije BiH radi informisanja, potpredsjedavajući je konstatovao da je Dom naroda Parlamenta Federacije BiH primio k znanju Informaciju o epidemiološkoj situaciji COVID-19 u Federaciji Bosne i Hercegovine na dan 27.12.2021. godine s prijedlogom naredbi i preporuka Kriznog štaba Federalnog ministarstva zdravstva.

2. Nacrt Budžeta Federacije BiH za 2022. godinu

Predstavnički dom Parlamenta Federacije BiH obavijestio je Dom naroda da na 29. sjednici, održanoj 24.1.2022. godine nije usvojio Prijedlog Budžeta Federacije BiH za 2022. godinu, nego je isti vratio u redovnu proceduru, odnosno u formu Nacrta i Zaključkom ga prihvatio.

Na Budžet Federacije BiH za 2022. godinu amandmane su podnijeli delegat Aner Žuljević, delegat Hadis Jusić i Azra Hadžić, poslanica u Predstavničkom domu, te će se isti smatrati kao primjedbe, prijedlozi i sugestije na Nacrt Budžeta.

Nacrt Budžeta obrazložio je Fadil Novalić, premijer Vlade Federacije BiH.

U raspravi su učestvovali Aner Žuljević, Alisa Hajdarović i Zvonko Marić.

Na osnovu rezultata glasanja, potpredsjedavajući je konstatovao da je Dom naroda Parlamenta Federacije BiH, sa 32 glasa za, bez glasova protiv i bez suzdržanih glasova, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Budžeta Federacije BiH za 2022. godinu i smatra da može poslužiti kao dobar osnov za izradu Prijedloga Budžeta.
2. Zadužuje se predlagač da prilikom izrade Prijedloga Budžeta ima u vidu primjedbe, prijedloge i sugestije iznesene na sjednici Doma naroda kao i one koje su dostavljene ili će biti dostavljene u pisanoj formi.

3. Nacrt zakona o izvršavanju Budžeta Federacije BiH za 2022. godinu

Predstavnički dom obavijestio je Dom naroda da je na svojoj sjednici, održanoj 24.1.2022. godine vratio Prijedlog Zakona o izvršavanju Budžeta Federacije BiH za 2022. godinu u redovnu proceduru, tj. u formu Nacrta i Zaključkom ga prihvatio.

Na Prijedlog zakona o izvršavanju Budžeta Federacije BiH za 2022. godinu amandmane je podnio Aner Žuljević, koji će se smatrati kao primjedbe, prijedlozi i sugestije na sam Nacrt zakona.

Nacrt zakona razmatralo je nadležno radno tijelo.

U raspravi niko nije učestvovao.

Na osnovu rezultata glasanja, potpredsjedavajući je konstatovao da je Dom naroda Parlamenta Federacije BiH sa 34 glasa za, bez glasova protiv i bez suzdržanih glasova usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt zakona o izvršavanju Budžeta Federacije BiH za 2022. godinu i smatra da može poslužiti kao osnov za izradu Prijedloga zakona.

2. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda kao i one koje su dostavljene ili će biti dostavljene u pisanoj formi.

Nakon toga potpredsjedavajući je stvaio na glasanje sljedeći:

ZAKLJUČAK

Zadužuje se Vlada Federacije BiH da prilikom pripreme usvajanja Odluke o kriterijima i raspodjeli sredstava iz člana 23. Zakona o izvršavanju Budžeta Federacije BiH za 2022. godinu uz ostale kriterije predvidi ponder 1.5 za Hercegovački kanton, Kanton 10 a sve to na osnovu člana 9. Zakona o pripadnosti javnih prihoda u Federaciji BiH, koji ovaj kanton tretira kao jedan od najnerazvijenijih.

Na osnovu rezultata glasanja, potpredsjedavajući je konstatovao da ovaj Zaključak sa 27 glasova za i sedam suzdržanih glasova nije dobio potrebnu većinu.

U raspravi na ovaj zaključak učestvovali su Aner Žuljević, Alija Aljović, Nijaz Musić, Stipan Šarac, Ivan Ivić i Alija Aljović.

Međutim, nakon konsultacija, i dodatne diskusije sa delegatima potpredsjedavajući je konstatovao da će se o ovom prijedlogu Zaključka raspravljati kad se bude raspravljalo o Prijedlogu Budžeta Federacije BiH za 2022. godinu.

4. Nacrt zakona o izmjenama i dopunama Zakona o budžetima u Federaciji BiH

Nacrt zakona je utvrdila Vlada Federacije BiH.

Predstavnički dom obavijestio je Dom naroda da nije usvojio ovaj zakon u formi prijedloga, već ga je vratio u formu Nacrta, i Zaključkom prihvatio.

Na Prijedlog zakona o izmjenama i dopunama Zakona o budžetima u Federaciji BiH amandman je podnio Rasim Pajić, te će se isti smatrati kao primjedbe, prijedlozi i sugestije na Nacrt zakona o izmjenama i dopunama Zakona o budžetima u Federaciji BiH.

Zakon su razmatrala nadležna radna tijela i dostavila svoje izvještaje.

U raspravi niko nije učestvovao.

Na osnovu rezultata glasanja, potpredsjedavajući je konstatovao da je Dom naroda sa 31 glasom za, bez glasova protiv i bez suzdržanih glasova prihvatio Nacrt zakona o izmjenama i dopunama Zakona o budžetima u Federaciji BiH, i tom prilikom usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt zakona o izmjenama i dopunama Zakona o budžetima u Federaciji BiH i smatra da može poslužiti kao osnov za izradu Prijedloga zakona.
2. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda kao i one koje su dostavljene ili će biti dostavljene u pisanoj formi.

Predsjedavanje sjednicom ponovo je preuzeo Tomislav Martinović, predsjedavajući Doma naroda.

- 5. Prijedlog odluke o davanju saglasnosti na Izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2021. godinu (druge izmjene) i izmjene i dopune Finansijskog plana Federalnog fonda solidarnosti za 2021. godinu (Aneks I.) (druge izmjene) i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2021. godinu (druge izmjene i dopune),**

Prijedlog Odluke dostavila je Vlada Federacije BiH.

Predstavnički dom obavijestio je Dom naroda da je na 29. sjednici, održanoj 24.1.2022. godine, donio Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2021. godinu (druge izmjene) i izmjene i dopune Finansijskog plana Federalnog fonda solidarnosti za 2021. godinu (Aneks I.) (druge izmjene) i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2021. godinu (druge izmjene i dopune) u tekstu kako ih je predložila Vlada Federacije BiH.

Prijedlog Odluke su razmatrala nadležna radna tijela.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 32 glasa za, bez glasova protiv i bez suzdržanih glasova donio Odluku o davanju suglasnosti na Izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2021. godinu (druge izmjene) i izmjene i dopune Finansijskog plana Federalnog fonda solidarnosti za 2021. godinu (Aneks I.) (druge izmjene) i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2021. godinu (druge izmjene i dopune) u tekstu kako ih je predložila Vlada Federacije BiH.

6. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2022. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu,

Tekst Prijedloga odluke je dostavila Vlada Federacije BiH a Predstavnički dom je obavijestio Dom naroda da je na 29. sjednici donio Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2022. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu.

Materijal su razmatrala nadležna radna tijela.

Prijedlog odluke je obrazložila Vlatka Martinović, predstavnica Zavoda zdravstvenog osiguranja i reosiguranja Federacije BiH.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 33 glasa za, donio Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2022. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2022. godinu.

**7. Prijedlog odluke o davanju saglasnosti na:
Finansijski plan Federalnog zavoda za zapošljavanje za 2022. godinu i procjenu plana za 2023. i 2024. godinu i Odluku o izvršavanju Finansijskog plana Federalnog zavoda za zapošljavanje za 2022. godinu,**

Prijedlog odluke dostavila je Vlada Federacije BiH.

Predstavnički dom je obavijestio Dom naroda da je na svojoj 29. sjednici donio ove odluke.

Materijal su razmatrala nadležna radna tijela i dostavila svoje izvještaje.

Prijedlog odluke obrazložio je Haris Huskić, predstavnik Federalnog zavoda za zapošljavanje.

U raspravi su učestvovali Aner Žuljević i Haris Huskić.

Na osnovu rezultata glasanja, predsjedavajući je konstatovao da je Dom naroda sa 36 glasova za i jednim suzdržanim glasom donio Odluku o davanju saglasnosti na: Finansijski plan Federalnog zavoda za zapošljavanje za 2022. godinu i procjenu plana

za 2023. i 2024. godinu i Odluku o izvršavanju Finansijskog plana Federalnog zavoda za zapošljavanje za 2022. godinu.

8. Odluka o izdvajanju sredstava u Fond solidarnosti Federacije Bosne i Hercegovine za 2022. godinu,

Odluku je dostavila Vlada Federacije BiH radi informisanja.

Predstavnički dom obavijestio je Dom naroda da je na 29. sjednici, primio k znanju Odluku o izdvajanju sredstava u Fond solidarnosti Federacije Bosne i Hercegovine za 2022. godinu.

Odluku su razmatrala nadležna radna tijela.

U raspravi niko nije učestvovao.

S obzirom da je ova odluka dostavljena Parlamentu Federacije BiH radi informisanja, Predsjedavajući je konstatovao da je Dom naroda primio k znanju Odluku o izdvajanju sredstava u Fond solidarnosti Federacije Bosne i Hercegovine za 2022. godinu.

9. Prijedlog odluke o prihvatanju zaduženja po Ugovoru o finansiranju između Bosne i Hercegovine i Evropske investicijske banke (EIB) za realizaciju Projekta izgradnje dionica Autoceste Medakovo - Poprikuše na Koridoru Vc,

Tekst Prijedloga odluke utvrdila je Vlada Federacije BiH i dostavila je Parlamentu Federacije BiH radi razmatranja.

Predstavnički dom obavijestio je Dom naroda da je na 19. sjednici, donio Odluku o prihvatanju zaduženja po Ugovoru o finansiranju između Bosne i Hercegovine i Evropske investicijske banke (EIB) za realizaciju Projekta izgradnje dionica Autoceste Medakovo - Poprikuše na Koridoru Vc.

Prijedlog odluke razmatrala su nadležna radna tijela.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 32 glasa za, donio Odluku o prihvatanju zaduženja po Ugovoru o finansiranju između Bosne i Hercegovine i Evropske investicijske banke (EIB) za realizaciju Projekta izgradnje dionica Autoceste Medakovo - Poprikuše na Koridoru Vc.

10. Kvartalni izvještaj o dugu Q1/2020,

11. Kvartalni izvještaj o dugu Q2/2020,

12. Kvartalni izvještaj o dugu Q3/2020,

13. Kvartalni izvještaj o dugu Q4/2020,

14. Kvartalni izvještaj o dugu Q1/2021,

15. Kvartalni izvještaj o dugu Q2/2021,

16. Kvartalni izvještaj o dugu Q3/2021,

Vlada Federacije BiH dostavila je ove izvještaje radi informisanja Parlamentu Federacije BiH.

Ove izvještaje je razmatrao i Predstavnički dom i primio ih k znanju.

U raspravi niko nije učestvovao.

Predsjedavajući je konstatovao da su Kvartalni izvještaji o dugu Q1/2020, Q2/2020, Q3/2020, Q4/2020, Q1/2021, Q2/2021 i Q3/2021 primljeni k znanju.

17. Zaključak o ovlastima Zakonodavnoopravne komisije Doma naroda u postupcima pred Ustavnim sudom Bosne i Hercegovine i Ustavnim sudom Federacije Bosne i Hercegovine

Predsjedavajući je istakao da je u skladu sa članom 253. potrebno da se Zakonodavnoopravna komisija izjasni o određenim činjenicama vezanim za postupke pred Ustavnim sudovima Federacije BiH i Ustavnim sudom Bosne i Hercegovine, odnosno da pripremi odgovore za ovaj Dom.

Predsjedavajući je potom stavio na glasanje sljedeći:

ZAKLJUČAK

Ovlašćuje se Zakonodavnoopravna komisija da utvrđuje odgovore u postupcima pred Ustavnim sudom Federacije BiH i Ustavnim sudom Bosne i Hercegovine, kada se Dom naroda pojavljuje kao stranka u postupku i kada naprijed spomenuti sudovi traže izjašnjenje Doma naroda kao stranke u postupku a sve u skladu sa odredbama iz člana 253. Poslovnika o radu.

Na osnovu rezultata glasanja, predsjedavajući je konstatovao da je Zaključak dobio potrebnu većinu, sa 34 glasa za.

Sjednica je završila s radom u 15:56 sati.

Transkript sjednice čini sastavni dio Zapisnika.

SEKRETAR
Izmir Hadživadić

PREDSJEDAVAJUĆI
Tomislav Martinović